

CUMINDA DI ANTES

Segun por a compronde tur loke tabata come antes tabata cuminda di tera, esta di nan mes luga. Nada importa, carne, cabrito, baca. Si un cunukero tabata tin bestia, ora cu e mata e bestia e tabata cambia cu esnan cu tabata tin berdura, fruta etc.

Nan tabata continuamente ocupa cu tanto cria di nan bestia, como den cunucu cuidando maishi, boonchi, batata dushi, patia, melon, pampoena y maishi grandi, calbas etc.

Di mainta tempran nan tabata lanta prome cu paranan pa asina nan por tira un bista ariba e maishi. Prome di sali

for di cas nan tabata desayuna mas o menos 5'or di marduga cu pan bati y lechi cayente y un reserva di pan bati pa ora solo subi banda di 10'or y cu stoma cuminza pido.

Merdia tabata sopi di bestia combina cu pampoena, tin biaha calbas stoba.

Anochi mas parti tabata ora di carni hasa den wea di hero, mayoria di biaha ta e mes pan bati tabata compaña tur esey.

Esnan menos afortuna tabata come tin biaha un bez pa dia cuminda cayente, sobra di biaha cu fruta den cunucu. Tambe tabata tin

pisca na cantidad, esun pisado cu, no tabata kier a

come pisca tabata djiez cambia pisca cu otronan sea

pa fruta of carni, no tabata tin problema.



Esaki ta un "Tinashi" unda antes tabata warda awa aden.

NOS BANDERA

O precioso colornan di nos bandera Arubano
con mahestuoso bo ta bula entre e paisnan
soberano
bo blauw ta di nos cielo y lama
bo cora pa e lucha y sanger derama
bo blanco di nos playanan tan renombra
bo geel e oro y guano nos industrianan den pasa
bo strea den cuatro direccion
ta indica hendenan di tur nacion
feliz riba Aruba unda no tin discriminacion

Cuanto bochorno y humiliacion den pasado
bo mester a soporta di bo politiconan malvado
cuanto estorbo y persecucion inhusto....
nos bandera
bo mester a soporta di traidornan di bo mesun
tera
tur esaki ta historia di pasado
tur esaki ta recuerdonan amargo

Awe bo ta briya glorioso riba nos suelo
awe bo ta bula orguyoso den tur nacion
gracias na muherman y hombernan balente
di nos pueblo
gracias na nos Creador su bendicion

Chomi Lacle